


O Grupo Municipal do Partido Popular considera que todo o anteriormente exposto supón unha intolerable falta de respecto á oposición, e aos cidadáns que esta representa, e por isto formulamos a seguinte PREGUNTA:

¿Ten o Goberno Municipal algunha explicación coherente das razóns que xustifiquen este comportamento?

O concelleiro señor González Iglesias respóndalle que considera que vai por mal camiño con estas preguntas e dille que eses prazos refírense ás comisións ordinarias, non ás extraordinarias.


E, non habendo máis asuntos que tratar, pola Presidencia dase por rematada a mesma, sendo as vinteunha trinta e cinco horas da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 019 do Papel Timbrado da Comunidade Autónoma de Galicia, Serie A nº 2237174 ata a volta do folio núm. 034, Serie A núm. 2237189, de todo o que, como Secretaria, DOU FE.-

O ALCALDE



XAIME REI BARREIRO

A SECRETARIA XERAL



ANA BEGONA MERINO GIL

**SESIÓN ORDINARIA CELEBRADA POLO PLENO DO CONCELLO O DÍA**  
**28 - ABRIL - 2010**

**ORDE DO DÍA**

- 1.- APROBACIÓN DAS ACTAS DAS DÚAS ÚLTIMAS SESIÓNS.
- 2.- DAR CONTA DE EXPEDIENTES ADMINISTRATIVOS DE MODIFICACIÓN DE CRÉDITO.
- 3.- DAR CONTA DE RESOLUCIÓNS DA ALCALDÍA DE ADXUDICACION DO CENTRO DE DEPORTES ACUÁTICO EN CHAPELA (1ª FASE), REDONDELA.
- 4.- DAR CONTA DE RESOLUCIÓN DO CONCELEIRO DELEGADO DE SERVICIOS SOCIAIS E IGUALDADE DE SOLICITUDE SUBVENCIÓN DESTINADA AO COFINANCIAMENTO DA PRESTACIÓN DE SERVIZOS SOCIAIS POLAS CORPORACIÓNS LOCAIS (PLAN CONCERTADO 2010).
- 5.- DAR CONTA DE RESOLUCIÓN DO CONCELEIRO DELEGADO DE SERVICIOS SOCIAIS E IGUALDADE DE SOLICITUDE SUBVENCIÓN PARA O DESENVOLVEMENTO DO PROXECTO DO PLAN XITANO 2010.



( Sinatura do Presidente )

Folio N.º .....

Serie A N.º 2237190

- 6.- DICTAME DA COMISIÓN INFORMATIVA DE INTERIOR, S/ APROBACIÓN BASES PARA A CONCESIÓN ADMINISTRATIVA MEDIANTE SUBHASTA, PARA ADXUDICAR POSTOS DO MERCADO DE ABASTOS DO CONCELLO DE REDONDELA.
- 7.- PROPOSTA DA ALCALDÍA RELATIVA A MODIFICACIÓNS DA COMISIÓN DE SEGUIMENTO E CONTROL DOS SERVICIOS PÚBLICOS PRIVATIZADOS.
- 8.- ACTIVIDADE DE CONTROL DO PLENO:
  - 8.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
  - 8.2.- MOCIÓNS.
    - 8.2.1.- MOCIÓN DO GRUPO MUNICIPAL DO PP S/ "PUNTOS NEGROS" VERQUIDOS DE LIXO.
  - 8.3.- ROGOS E PREGUNTAS.

Na Casa do Concello de Redondela, sendo as dezanove horas do día vinteito de abril de dous mil dez, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D<sup>a</sup>. LAURA LAGO ALLER, D<sup>a</sup>. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D<sup>a</sup>. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D<sup>a</sup>. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D. XOSÉ CARLOS PAZOS DOCAMPO, D<sup>a</sup>. MARÍA ANXELES BABARRO FERNÁNDEZ, D<sup>a</sup>. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu o Sra. Interventora Xeral do Concello D<sup>a</sup>. AGUEDA BELLO VALDÉS, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia, a concelleira D<sup>a</sup>. LAURA ALONSO GÓMEZ .

#### INCIDENCIAS.-

- Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

- A concelleira señora López Rodriguez formula a súa queixa polo feito de que se lle convocara para a presente sesión o día 26 de abril, fora do prazo establecido.

O Sr. Alcalde dalle conta dun informe da Policía Local no que queda constancia de varios intentos de notificación no seu domicilio e na cafetería por ela indicada así como do contacto telefónico coa mesma no domingo día 25, sinalando a concelleira que ela estaba na casa e, polo tanto, non é certo que lle trataran de notificar aínda que sí puxeron unha multa a un coche dun familiar por atoparse mal aparcado.

En calquer caso, desexa que quede constancia da súa queixa.

A Presidencia declara aberta a sesión, en primeira convocatoria, procedéndose a tratar os puntos da Orde do Día.-

### **1.- APROBACIÓN DAS ACTAS DAS DÚAS ÚLTIMAS SESIÓNS.-**

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinte votos a favor (8 do PSdeG-PSOE, 7 do PP, 3 do BNG, e 2 do PG), acorda prestar aprobación ás actas das sesións celebradas con carácter extraordinario o día **18 de marzo de 2010**, e ordinario o día **24 de marzo de 2010**.-

### **2.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.-**

Infórmase dos seguintes expedientes administrativos de modificación de crédito:

- 7/10, aprobado por Resolución da Alcaldía de data 26.02.10, por transferencia, por importe de 28.602,00 euros.

- 9/10, aprobado por Resolución da Alcaldía de data 25.03.10, mediante incorporación de remanentes de créditos, por importe de 27.770,20 euros.


Non se formulan observacións e o Pleno do Concello queda informado dos expedientes administrativos de modificación de crédito anteriormente mencionados.-

### **3.- DAR CONTA DE RESOLUCIÓNS DA ALCALDÍA DE ADXUDICACIÓN DO CENTRO DE DEPORTES ACUÁTICO EN CHAPELA (1ª FASE), REDONDELA.-**

Dada conta da Resolución da Alcaldía de data 30 de marzo de 2010, de adxudicación provisional de contratación da obra **1ª FASE DO CENTRO DE DEPORTES ACUÁTICOS DE CHAPELA INCLUÍDA NO FONDO ESTATAL PARA O EMPREGO E A SUSTENTIABILIDADE LOCAL 2010 (FESL)**, previo acto da Mesa de Contratación celebrado o 30.03.10, na que se aceptou o informe do equipo redactor do proxecto, coa seguinte

#### **TABLA DE RESULTADOS FINALES**

|       |                                                                                        |
|-------|----------------------------------------------------------------------------------------|
| 87,05 | ANTALSIS,S.L. - PARAXE CONSTRUCCIONES,S.L.                                             |
| 81,78 | HIDROSCIVIL,S.L. - CONSTRUCCIONES BALBOA Y BUCETA,S.L.                                 |
| 79,42 | CONSTRUCCIONES VARELA VILLAMOR,S.L. - BELYP A CONSTRUCCIONES, S.L.                     |
| 68,11 | VIAS Y CONSTRUCCIONES,S.A                                                              |
| 66,45 | CONSTRUCCIONES EN PIEDRA SIGRAS,S.L. - PINTURAS, RESTAURACIONES Y REVESTIMIENTOS, S.L. |
| 66,28 | ALDESA CONSTRUCCIONES,S.A. - ANCHELERGUES E ASOCIADOS,S.L.                             |
| 57,85 | FCC CONSTRUCCION,S.A.                                                                  |
| 57,65 | BRUESA CONSTRUCCIÓN, S.A                                                               |



(Sinatura do Presidente)

Folio N.º .....

Serie A N.º 2237191

|       |                                                                           |
|-------|---------------------------------------------------------------------------|
| 57,56 | IMAGA PROYECTOS Y CONSTRUCCIONES,S.A.                                     |
| 56,85 | CORSÁN-CORVIÁN, CONSTRUCCIÓN, S.A.                                        |
| 53,50 | JESUS MARTINEZ ALVAREZ CONSTRUCCIONES,S.A.                                |
| 52,35 | CONST. RAMÍREZ, S.L.U                                                     |
| 49,12 | DRAGADOS, S.A.                                                            |
| 47,83 | FERROVIAL AGROMAN,S.A.                                                    |
| 47,21 | COPCISA,S.A.                                                              |
| 46,19 | TUCONSA                                                                   |
| 43,81 | ARIAS HERMANOS CONSTRUCCIONES,S.A.                                        |
| 43,63 | EXTRACO CONSTRUCCIÓN E PROXECTOS,S.A.                                     |
| 43,33 | FEYU GALICIA, S.L.                                                        |
| 42,02 | ABECONSA,S.L.U.                                                           |
| 41,56 | BARDERA OBRAS CIVILES Y MARITIMAS, S.L. - EXCOVAR,S.A                     |
| 41,19 | CONSTRUCCIONES OREGA,S.L. - ALICATADOS Y REVESTIMIENTOS GOMEZ CRESPO,S.L. |
| 40,25 | OGMIOS PROYECTO,S.L. - CONSTRUCTORA ESHOR,S.L.                            |
| 39,68 | MOVEX VIAL,S.L. - HIDROMIÑO,S.L.                                          |
| 36,81 | EXCONSA                                                                   |
| 35,53 | CONSTRUCTORA SAN JOSE, S.A.                                               |
| 34,60 | CEINSA, CONTRATA E INGENIERIA,S.A.                                        |
| 31,64 | JOSYBEM,S.L.                                                              |

A Alcaldía, RESOLVE entre outros,

**Primeiro.-** Aproba-lo expediente de licitación e o gasto por importe de 3.247.113 €, con cargo á partida indicada no informe da intervención municipal.

**Segundo.-** Declara-la validez da licitación efectuada.

**Terceiro.-** Adjudicar provisionalmente o presente procedemento, convocado para a contratación da construción da **PRIMEIRA FASE DUN CENTRO DE DEPORTES ACUÁTICOS EN CHAPELA, REDONDELA**", incluído no Fondo Estatal para o Emprego e a Sustentabilidade Local 2010 (FESL), á UTE constituída por **ANTALSIS, S.L.**, con CIF nº B-15.867.435, representada por D. JAVIER VILARIÑO GARCIA, con DNI nº 33.345.056-R, e a **CONSTRUCCIONES PARAXE, S.L.**, con CIF nº B-36.770.535, e domicilio social en R/ Gabrinus, nº 7-2ª pranta, Polígono de A Grela, A Coruña, representada por D. PABLO PENAS REY, con DNI nº 76.800.530-B, polo prezo de 2.575.296,52+ 412.047,44 (IVE)= **2.987.343,96** euros, e seguintes melloras ofertadas:

**Redución do prazo de execución de:** 15 días naturais.

**Prazo de garantía:** de 48 meses a máis.

**Melloras** por importe de 1.199.960,07 euros, IVE incluído.

Destinando 117.618,56 euros, IVE excluído, ó plan de control de calidade.

**Emprego de man de obra:**

70 traballadores, o que supón 50 traballadores por riba do mínimo de 20 traballadores previsto no proxecto, dos que, 25 terán a consideración legal de desempregados de longa duración e 15 terán a consideración legal de desempregados. Todos eles adscritos a xornada completa á obra durante toda a súa execución.

Así como os medios **materiais e personais, memoria de execución das obras, e plan de obra** que figuran na plica presentada, e con suxeición estrita ós pregos de cláusulas administrativas particulares aprobados que rexen neste procedemento e o proxecto técnico e a súa oferta.

A devandita adjudicación provisional elevouse a definitiva, por Resolución da Alcaldía de data 14 de abril de 2010.

O Concello Pleno, queda enterado das Resolucións da Alcaldía de datas 30 de marzo e 14 de abril de 2010, de adxudicación provisional e definitiva da 1ª FASE DO CENTRO DE DEPORTES ACUÁTICOS DE CHAPELA INCLUÍDA NO FONDO ESTATAL PARA O EMPREGO E A SUSTENTIABILIDADE LOCAL 2010 (FESL).-

**4.- DAR CONTA DE RESOLUCIÓN DO CONCELLEIRO DELEGADO DE SERVICIOS SOCIAIS E IGUALDADE DE SOLICITUDE DE SUBVENCIÓN DESTINADA AO COFINANCIAMENTO DA PRESTACIÓN DE SERVIZOS SOCIAIS POLAS CORPORACIÓNS LOCAIS (PLAN CONCERTADO 2010).-**

Dada conta da Resolución do Concelleiro Delegado de Servicios Sociais e Igualdade, de data 7 de abril de 2010, que transcrita dí:

"Con data 1 de marzo do 2010 (DOG nº 40, luns, 1 de marzo de 2010) publícase pola Consellería de Traballo e Benestar a Orde de 19 de febreiro de 2010 pola que se regulan as bases polas que se rexerá a concesión de subvencións destinadas ao cofinanciamento da prestación de servizos sociais polas corporacións locais, ao amparo da citada Orde, os técnicos de servizos sociais elaboraron o expediente de solicitude. Seguindo as instrucións da convocatoria, este concelleiro delegado RESOLVE:

Primeiro.- Que os servizos sociais comunitarios continúan prestándose, cando menos, nas mesmas condicións que o ano anterior para garantir o desenvolvemento dos programas e prestacións básicas dos servizos sociais comunitarios.

Segundo.- Solicitar ao amparo da citada Orde unha subvención de 398.080,35 €, para o mantemento dos servizos sociais comunitarios.

Terceiro.- Dar conta da presente resolución ao Pleno do Concello de Redondela, aos efectos previstos no artigo 11 da Orde da convocatoria."

O Concello Pleno, queda enterado da Resolución transcrita.-

**5.- DAR CONTA DE RESOLUCIÓN DO CONCELLEIRO DELEGADO DE SERVICIOS SOCIAIS E IGUALDADE DE SOLICITUDE DE SUBVENCIÓN PARA O DESENVOLVEMENTO DO PROXECTO DO PLAN XITANO 2010.-**

Dada conta da Resolución do Concelleiro Delegado de Servizos Sociais e Igualdade de data 14 de abril de 2010, que transcrita dí:

"Con data 1 de marzo do 2010 (DOG nº 40, luns, 1 de marzo de 2010) publícase pola Consellería de Traballo e Benestar a Orde de 19 de febreiro de 2010, pola que se regulan as bases polas que se rexerá a concesión de subvencións destinadas ao cofinanciamento da prestación de servizos sociais polas corporacións locais, ao amparo da citada Orde, os técnicos de servizos sociais elaboraron o expediente de solicitude. Seguindo as instrucións da convocatoria, este concelleiro delegado, RESOLVE:

Primeiro.- Solicitar ao amparo da citada Orde unha subvención de 42.300 € para o desenvolvemento do proxecto do Plan Xitano 2010.

Segundo.- Dar conta da presente resolución ao Pleno do Concello de Redondela, aos efectos previstos no artigo 11 da Orde da convocatoria."

O Concello Pleno, queda enterado da Resolución transcrita.-



(Selo da Corporación)

(Sinatura do Presidente)

Folio N.º .....

Serie A N.º 2237192

**6.- DICTAME DA COMISIÓN INFORMATIVA DE INTERIOR, S/ APROBACIÓN BASES PARA A CONCESIÓN ADMINISTRATIVA MEDIANTE SUBHASTA, PARA ADXUDICAR POSTOS DO MERCADO DE ABASTOS DO CONCELLO DE REDONDELA.-**

**ANTECEDENTES.-**

Dictame da Comisión de Interior, de data 23 de abril de 2010, que transcrito dí:

**"Antecedentes.-**

Proposta do Concelleiro delegado de Servicios, de data 14 de abril de 2010, que transcrita dí:

"De conformidade co artigo 59 do Regulamento do Mercado de Abastos de Redondela (BOP nº 174, de 9 de setembro de 2005), "As vacantes dos postos nos Mercados adxudicaránse por subhasta. Anunciaranse no BOP e nos Taboleiros de anuncios do Concello e dos Mercados un mínimo de dúas veces ao ano e serán obxecto de concesión por un prazo máximo de 30 anos ..." A tal efecto este concelleiro propón ao Pleno do Concello, a aprobación das bases confeccionadas para a subhasta e a concesión administrativa polo tempo previsto no Regulamento aprobado para o funcionamento dos Mercados de Abastos de Redondela, dos postos baleiros do Mercado de Abastos do Concello de Redondela."

**Intervencións.-**

.../...

**Votación e dictame.-**

A Comisión Informativa de Interior, en votación ordinaria e por maioría dos/as Sres./as Concelleiros/as, sendo seis votos a favor (4 do PSdeG-PSOE, e 2 do BNG) e catro abstencións (4 do PP), estimou oportuno dictaminar favorablemente a proposta do Concelleiro delegado de Servicios, nos antecedentes transcrita, e na súa consecuencia propoñer ao Concello Pleno, a súa aprobación."

**VOTACIÓN E ACORDO.-**

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo trece votos a favor (8 do PSdeG-PSOE, 3 do BNG e 2 do PG) e sete abstencións (7 do PP), aprobou, nos seus propios termos, o dictame da Comisión Informativa de Interior, nos antecedentes transcrito.-

**7.- PROPOSTA DA ALCALDÍA RELATIVA Á MODIFICACIÓN DA COMISIÓN DE SEGUIMIENTO E CONTROL DOS SERVICIOS PÚBLICOS PRIVATIZADOS.-**

**ANTECEDENTES.-**

"Proposta da Alcaldía de data 23 de abril de 2010, que transcrita dí:

Creada e constituída a Comisión de Seguimento e Control dos servizos públicos privatizados, esta Alcaldía coa finalidade de dotar de maior operatividade á mesma, ao Concello Pleno propón a adopción dos seguintes acordos:

**PRIMEIRO.-** A Comisión de Seguimento e Control dos Servizos Públicos Privatizados terá a condición de órgano de asistencia á Corporación Municipal, coa finalidade de controlar a prestación dos servizos e ás empresas a cargo dos mesmos no relativo a:

- Auga, saneamento e depuración.
- Recollida do lixo.
- Xestión da recadación municipal.
- Piscina.
- Outros que se poidan dar nun futuro.

SEGUNDO.- Son funcións da Comisión:

- Exerce-lo control e seguimento en todo o relacionado coa xestión dos servizos por parte das empresas que as prestan.
- Poderán recabar informes por escrito, a través dos órganos de goberno municipais, das empresas que prestan os servizos.
- Poderán solicitar informes técnicos ou xurídicos de funcionarios municipais para o desenvolvemento do seu traballo.
- Elaborarán un informe anual sobre o estado xeral dos servizos municipais en réxime de concesión ou arrendamento.

TERCEIRO.- A Comisión estará constituída por:

- PRESIDENTE.- Alcalde ou persoa na que delegue.
- Seis (6) representantes do Pleno (garantírase que cada grupo municipal teña, alomenos, un representante).
- Tres (3) representantes dos veciños nomeados pola Federación de AA.VV. de Redondela.
- Un (1) funcionario/a que actuará como Secretario/a da Comisión.

Tódolos membros da Comisión cesarán coa renovación da Corporación, cada catro anos.

A Comisión reunirse con carácter ordinario dúas veces ao ano, ao principio de cada semestre, e, extraordinariamente, cando o decida o Presidente ou a solicitude dun tercio dos membros da Comisión."

INTERVENCIÓNS.-

A concelleira señora Canal Gómez dí que non entende por qué esta cuestión non foi a debate da comisión informativa a pesares de que o señor González Iglesias llelo dixo. Lle parece que é un tema moi importante, dados os problemas que se prantexan en relación aos servizos obxecto de concesión. Considera que o doado tivera sido pasalo antes por comisión informativa e pensa que o goberno non ten moito interese en que esta comisión funcione. Estima que deberían formar parte da mesma a secretaria e a interventora do Concello, para asesorar nos casos en que sexa necesario e a tal efecto presenta a correspondente enmenda.

O concelleiro señor González Iglesias cree que non lle dixo que ía a pasar pola comisión informativa, pero dí que lles deu á oposición o borrador da proposta hai dous meses e non fixeron ningunha observación. Dí tamén que a secretaria lle dixo que nin tiñan porque estar nin desexaban formar parte da citada comisión, con independencia de que se lle poidan solicitar os informes que se estimen pertinentes.

Tras darlle a palabra o Alcalde, a efectos de aclaración, a secretaria sinala que efectivamente lle dixo tal cosa ao concelleiro señor González Iglesias, porque considera que o asesoramento debe ser por escrito, tralo estudo reposado dos asuntos, e nunca "in situ", cousa que mantén en todo tipo de reunións.

A concelleira señora Canal Gómez considera que na comisión debe haber técnicos que nun momento dado poidan asesorar e que o seu voto vai a ser a abstención, xa que consideran que non vai a servir para nada.



(Sinatura do Presidente)

Folio N.º .....

Serie A N.º 2237193

O concelleiro señor González Iglesias dí que a comisión non ten funcionado ata o de agora, entre outras cousas porque o PP tardou máis de tres anos en nomear ao seu representante.

#### VOTACIÓN Á ENMENDA.-

Sometida a Enmenda do PP a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo once votos en contra (8 do PSdeG-PSOE, e 3 do BNG), dúas abstencións (2 do PG) e sete votos a favor (7 do PP), rechazou a enmenda do PP formulada.

#### VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo trece votos a favor (8 do PSdeG-PSOE, 3 do BNG e 2 do PG) e sete abstencións (7 do PP), aprobou, nos seus propios termos, a proposta da Alcaldía, nos antecedentes transcrita.-

#### 8.- ACTIVIDADE DE CONTROL DO PLENO:

##### 8.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.-

O Concello Pleno queda informado do contido das Resolucións da Alcaldía e dos Concelleiros Delegados dende o día 18 de marzo ao 21 de abril de 2010.-

##### 8.2.- MOCIÓNS.-

##### 8.2.1.- MOCIÓN DO GRUPO MUNICIPAL DO PP S/ "PUNTOS NEGROS" VERQUIDOS DE LIXO.-

##### ANTECEDENTES.-

Moción presentada polo Grupo Municipal do Partido Popular, no Rexistro Xeral do Concello, con data 23 de abril de 2010, que transcrita dí:

"Cada vez son máis os "puntos negros" que se atopan ao longo do noso Concello, nos que os pouco respetuosos coa limpeza, a orde e o medio ambiente, van espallando lixo, mobles, pantallas de ordenador, materiais diversos de automoción, restos de obras de reformas ... é unha lista inacabable de obxectos varios. Como queira que algún destes "inadaptados sociais", por calificalos dalgún xeito, xa teñen por costume verter nos mesmos sitios. E visto que si non se pon remedio a isto o problema cada vez vai a máis, PROPOÑO:

Que se acorden e se poñan en funcionamento unha serie de medidas para evitar no máximo posible.

As accións que este grupo municipal propón, entre outras que se poderían incluír, son as seguintes:

- Poñer carteis nesas puntos negros ou vertedoiros, prohibindo verter lixo e indicando a contía da multa a quen incumpra a lei.

- Mellorar e aumentar a vixilancia por parte dos responsables de medio ambiente e da policía local.

- Facer unha campaña de prevención, educación e prohibición, usando os medios de comunicación: prensa local escrita, internet, radio local, folleitos, ... e todo o que estea ao noso alcance para intentar concienciar e implicar, na medida do posible á cidadanía, para mellorar este problema que atañe a todos.

- Implicar á empresa de limpeza URBASER para que faga un esforzo en mellorar as súas obrigas asinadas no prego de condicións, e que apoie cos medios ao seu alcance esta campaña.

- Que o propio Concello sexa o primeiro e dar exemplo no momento que fai obras na rúa, podas de árbores e limpeza en xeral."

#### INTERVENCIÓNS.-

O concelleiro señor Bastos Fernández dí que lle parece ben a moción e que Urbaser debe controlar os vertidos.

O concelleiro señor Pazos Docampo dí que o termo de "inadaptados sociais" que está na moción é un pouco forte e que, en realidade, o que prantexa a moción xa se está a facer. Considera que é unha cuestión de conciencia social e colaboración cidadana e que é moi difícil controlar tódolos puntos de vertido incontrolado que, ás veces, son en propiedades privadas. Sinala que Urbaser non ten responsabilidade nos vertidos e que estas cousas non se poden resolver cun decreto.

O concelleiro señor González Iglesias dí que as propostas que contén a moción son máis ben rogos e que tampouco pódese por un policía en cada punto de vertido.

O concelleiro señor Alvarez Ballesteros dí que van a votar en contra a pesar de que afirmen que están a face-lo que a moción propón. Pregunta polo programa de motivación social e información cidadana que estaba no contrato con Urbaser e afirma que hai moi poucos carteis indicadores da prohibición de verter lixo. Refírese tamén ao feito de que o Concello non da exemplo, deixando os escombros dunha obra varios días sen recoller, ou non valeirando as papeleras dos parques infantís.

O concelleiro señor Bastos Fernández dí que nas oito horas de traballo que ten o concelleiro de medio ambiente tamén pode adicarse a este tipo de cousas.

O concelleiro señor Pazos Docampo dí que o contido desta moción evidencia que en Redondela non hai problemas máis importantes, polo cal se felicita.

O concelleiro señor Alvarez Ballesteros indica que debe facilitarse a colaboración cidadana e non lle parece doada a postura do goberno municipal con respecto a esta cuestión.

#### VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as asistentes, sendo once votos en contra (8 do PSdeG-PSOE e 3 do BNG) e, nove votos a favor (7 do PP e 2 do PG), rexeitou a Moción do Grupo Municipal do PP, nos antecedentes transcrita.-

#### 8.3.- ROGOS E PREGUNTAS.-

- A concelleira D<sup>a</sup>. LORENA LÓPEZ RODRÍGUEZ, formula os seguintes rogos:

a).- Que como xa ten coñecemento esta Administración Local, os veciños de Chapela veñen esixindo dende fai tempo unha solución para o estado no que se atopa a praia de Arealonga, única praia urbana do municipio, asunto tratado en varias ocasións polo grupo municipal do Partido Popular. A presenza de pedras e lixo de toda clase no areal da praia, cuxa retirada teñen solicitado insistentemente, engaden agora unha nova inquedanza: a perda e degradación do areal cuxa conservación e mantemento veñen solicitando estas semanas, como reflectiuse nos medios de comunicación.



(Sinatura do Presidente)

Folio N.º .....

Serie A N.º 2237194

É por iso, que á vista desa xusta e razoable petición, rogamos unha resposta urxente ás referidas demandas veciñais que faga posible a limpeza e mantemento da praia.

b).- Que varios veciños de Chapela téñense queixado nas últimas semanas da existencia de terras no borde dereito -dirección de baixada- da estrada de baixada a Pescanova, poveñentes dos muros colindantes coa mesma, afirmando que por mor das choivas destes meses estanse a producir certos desprendementos.

É por iso que rogamos, ademáis da retirada de ditas terras, que os servizos técnicos municipais xiren visita á zona para examinar o referido muro de contención e informen sobre a seguridade e estanqueidade do mesmo.

c).- Que o grupo municipal que subscribe, ademáis de vir reclamando a pronta execución da rotonda de Rande, que acumula xa varios retrasos, puido comprobar nestes días a mala sinalización tramo en obras, particularmente ao carecer de sinais reflectantes ou luminosas que advirtan ao conductor da presenza dun valado provisional na estrada, sendo a situación especialmente perigosa para a conducción nocturna en dirección Redondela-Vigo.

É por iso que rogamos insten ao Ministerio de Fomento para que adopte á maior celeridade as medidas de sinalización oportunas para garantir a seguridade viaria en dita estrada.

- O concelleiro D. MIGUEL ÁLVAREZ BALLESTEROS, formula das seguintes preguntas:

a).- Fai meses este concelleiro presentou un rogo no que solicitaba que se puxeran contenedores de reciclado de papel de vidro e plásticos no camiño da Igrexa de Chapela, ao lado do Instituto. De todos é sabido que os que alí estaban foron queimados e se substituíron por dous contenedores abertos de grandes dimensións que producen cheiros e non permiten que os veciños sigan reciclando. Como queira que pasou moito tempo e non se tivo en conta o rogo, pregunto:

¿Por qué non se poñen contenedores de reciclado para evitar malos cheiros e facilitar a veciñanza que poida reciclar?

Respóstalle o señor Pazos Docampo dicíndolle que queimaron varias veces os contenedores, que repolos costa cerca de cinco mil euros e que esa foi a razón de que puxeran outros metálicos.

b).- Á vista de todos resalta o mal estado no que se atopan unha morea de marquesiñas espalladas polo noso Concello, con suciedade, cristais e bancadas rotos, pintadas e outros deterioros. Tamén podemos atopar algunhas nas que medran a silveiras e as herbas e algunha na que a súa beira atópanse grandes cantidades de cascallos e lixo de todas as clases.

Ante este panorama noxento que está a dar unha imaxe de total abandono do mobiliario público.

¿Teñen pensado poñer en marcha algunha actuación para evitar dar esta mala imaxe?

¿Que tipo de actuacións pensan levar a cabo e cando se van a executar estes cometidos?

¿Poderían facilitar a este grupo un listado daquelas marquesiñas que van a arranxar?

Respóstalle a señora Lago Aller indicando que están pendentes da consideración do tema dos transportes na área metropolitana, que se van reparando algunhas marquesiñas e con respecto a outras existe o proxecto de polas con publicidade para que se autofinancien.

c).- ¿En que fase se atopa o proceso de expropiación dos terreos para poder realizar a obra do novo acceso a Cidadelle?.

¿Cal é a data na que teñen pensado executar a devandita obra?.

Respóstalle o señor González Iglesias explicando se seguiu o trámite administrativo de notificación aos interesados, informe técnico as alegacións...etc e proseguirase co expediente de xustiprecio. Executaráse cando sexa posible.

- O Concelleiro D. JOSÉ ALBERTO PAZOS COUÑAGO, formula a seguinte pregunta:

a).- Recentemente un grupo de veciños de Saxamonde facían público o seu malestar e preocupación ao descibir a existencia dun polvorín a escasos metros das súas vivendas. A instalación para o almacenamento de explosivos se sitúa no entorno das obras do AVE na ribeira do río Maceiras, sendo responsable da mesma a empresa adxudicataria.

Días despois, a prensa recollía a visita á zona de distintos responsables políticos do BNG, entre os que se atopan a diputada D<sup>a</sup>. Olaia Fernández, e o Teniente de Alcalde D. Carlos Pazos. Se anuncio a iniciativa parlamentaria emprendida pola Sra. Fernández, pero non coñecemos cales son as iniciativas adoptadas pola Concellería de Medio Ambiente, no ámbito das súas competencias municipais.

Ante esta situación vimos a formular a seguinte pregunta:

¿Cales foron as medidas adoptadas dende o Concello de Redondela en relación ao polvorín instalado en Saxamonde?.

O Sr. Alcalde dílle que o Concello non ten competencias sobre este asunto, por tratarse dunha obra supramunicipal e se lles indicou aos veciños que acudiran á subdelegación do goberno ou ao xulgado, pero pensa que teñen tódalas bendicións.

E, non habendo máis asuntos que tratar, pola Presidencia dase por rematada a mesma, sendo as dezanove cincuenta horas da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 034 do Papel Timbrado da Comunidade Autónoma de Galicia, Serie A nº 2237189 ata a volta do folio núm. 039, Serie A núm. 2237194, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL